



兩疊軒尺牘卷五

殷譜經少宰 兆鏞不

歸安吳

雲愉庭

卷五

春間騶從過蘇辱承枉顧適抱采薪之患未及迎謁實切  
歉悚嗣晤林一宮允述執事於高郵道中致宮允書拳拳  
於下走仰見念舊殷肫迥異恆格望風傾仰不勝馳情每  
於郵鈔中伏讀執事奏議凡所敷陳悉中近弊此真救時  
藥石經世宏文昔蘇子瞻謂陸宣公才本王佐學為帝師  
論深切於事情言不離乎道德如執事立朝正色遇事直  
言洵足繼美前賢追蹤往哲輔中興之盛業立不世之休

兩疊軒尺牘

卷五

名雲 向辱知愛能無忭慶

兒子承潞

禮闈倖雋比得家稟

知以薄植得託大匠之門聞之實深榮幸今科浙江進士  
覆試朝考俱列一等等者惟汪君柳門及 潞兒 兩人論甲第  
必得館選乃榜後疊次來稟謂長安居大不易頻年來食  
指愈繁家計日絀本係分發江蘇直牧若就原官到省則  
班次甚快希冀得補一缺為求祿養親計 雲 以內外用  
自有定數亦不以其說為非茲得點用消息知以先期呈  
明竟歸原班聞閏月例不引

見雲 已屬渠常詣函丈恭承師訓他日得獲寸進飲水思  
源當不忘所自也



又

昨從景亭宮允交到手諭發函仲紙仰荷垂念患難慰誨  
勲肫雜誦同環慙感交集雲罷職後菰蘆踰伏藥爐茶竈  
而外日惟於故紙堆中聊遣愁抱足不出戶庭者半載餘  
矣自愧窳闇昧於進退獲咎總由自取惟不克仰副執事  
期望之殷至爲愧疚然竊幸身處脂膏絲毫不敢近夙卷  
案具在得免後累此可附慰愛注者雲本孱弱多病不復  
作伏櫪之鳴惟滬上米薪珠桂大不易居讀昌黎居閒食  
不足之詩不免廢書興歎耳伏念執事名言讜論中外共  
欽方今

兩疊軒尺牘

卷五

二

朝政清明賢藩當軸撥亂世而反之正中興偉業指顧可  
期所望妖氛速靖早奏昇平雲家尚有薄田二頃得返里  
門躬耕度日是則飲食所必祝者也



翁叔平大司空同龢

四月間兩辱枉顧其時正齒患大發寢饋俱廢之際是以不獲侍晤一盡飢渴之忱至今歉悚辰下敬維舟車無恙早抵都門德位兼崇身名俱泰幸甚幸甚雲衰病杜門無善可告前者旭人方伯述執事謬采虛聲垂問肫摯索及拙著彝器圖釋大雅當前正思就教遂不敢自匿其醜今旭人赴江北未歸適有賈筱芸世兄入都之便託其帶呈一部敬求鑒定另一部乞轉交玉甫中丞同賜教削久聞尊臧宋刊精本甚富惜未得一讀以擴聞見雲處所臧有新定續志十卷惟景定間方逢辰序文殘損餘俱完好無兩鼻軒尺牘

卷五

三

闕又有元豐間朱長文吳郡圖經續記三卷紙印甚精卷中鈔補均出錢磬室手筆又中興館閣錄及續錄各十卷中間雖有損闕而曝書亭及竹汀老人所臧皆是鈔本此卻的真宋刊三書可爲東南文獻之徵世少傳本黃蕘圃當日珍臧甚秘惜未出就法家訂證殊爲憾事耳



雷鶴皋先生

以誠

前在上海寓次奉到手諭展函莊誦如挹笑言恭審福履  
綏和精神神彌健游泳佛海味道而腴引簷函丈慰與抃會  
雲於前月中旬自上海動身道出吳門逗留數日卽至焦  
山山中殘桂賸馥林葉漸紅秋色晶瑩雲物清潔居停主  
人赴江北勾當公事日來獨坐枕江閣對北固諸山遙望  
蕪城煙雨慨念當日在老夫子戎幕駐軍萬福橋募黑衣  
郎穴地攻揚州城每至刁斗無聲寒月照地輒繞城相度  
進兵之路礮子從頂上過霍霍有聲追思前事如在目前  
今者蒼蒼悔禍東南廓清昇平重覩可以優游歲月矣老  
兩鼻軒尺牘

卷五

四

夫子主教鄂垣身心性命之功從游問道者想日益眾雲  
棲身巖谷日與翰墨爲緣尙能自安其拙莊生有言曰得  
者時也失者順也安時而處順哀樂不能入也此數語雲  
常粘之座右反心內勘亦頗有怡然自得之趣前日本擬  
偕許蔭庭六弟到漢口一遊謁拜高齋面伸戀悃並求指  
教正欲附輪船開行適居停有事屬從緩啟程此行遂中  
止大約俟至明春矣周易函書一部計二套特呈上又近  
刻溫虔公碑一册楹聯集帖一册墨拓數種統祈鑒納書  
隱樓叢書尙未覓到俟購得再寄振新集要一册所論清  
修功夫極爲明暢粘出一覺字卽姚江之良知也附呈省



覽其詩錄雜垂鑒不盡

呈謝又林春藻志曰陳墨本外來翰五山翁韻書文

二月間奉手書書尾不署月日詳釋詞意當是去歲杪所發江漢人文薈萃書院關係士習尤爲風氣所轉移誠非道德文章爲鄉黨敬服者不足以當此席今官爵相請吾師掌教正與范文正公薦胡安定爲太學師同意將來楚湘南北理學名臣蔚然而起不獨中興武功炳耀史冊已也雲屬在門牆與有榮幸揜逆聞已遠颺近日武漢想必安謐晴川閣比前更爲雄峻黃鶴樓亦已興工修葺聞之實深嚮往雲本擬作湘漢之遊躬詣函丈侍談數日藉罄

兩疊軒尺牘

卷五

五

戀忱因去冬從邗上回蘇爲修理先人墳墓還鄉照料春來又迫於賤事復赴吳興日內仍擬渡江到邗往來僕僕不得習靜讀書楚行更須俟秋間再定矣樹欲靜而風不停爲境所迫殊可歎也幸自老母以次均託福平安兒子承澗蒙李宮保留甯當差知荷愛念謹特縷陳族姪念椿

係湖北候補知縣初歷仕途諸未諳練茲屬渠晉謁尙望吾師頌以治譜俾有遵循念椿自樸安族兄殉難後尙能

耐苦曉事還乞吾師於諸當道前噓拂而提挈之爲懇附

呈拙書杜君墓志石刻墨本伏求誨正此後賜書交念椿

轉遞甚便統維垂鑒不盡



又

一昨晉謁知杖履已往木瀆作天平靈巖之遊兵亂以後各處廟宇遭毀現所存者不過百十分中之一二耳破壁頽垣都未修葺地方之凋敝亦可畧見一斑矣吾師憑眺之餘得毋有舉目山河之感西湖賸水殘山亦非復昔時佳麗吾師到六橋三竺之間訪韓蘄王騎驢故迹父老尙能指而言者其高風爲何如也吾師此次出游往來數省傾倒公卿接席縱談尙望效蘄王之逍遙風月口不言兵人多輕薄鬼喜揶揄雲之狂瞽亦有爲而發實非無病之呻不識吾師以爲雍之言然否雲寄跡吳門鍵關守拙謝兩疊軒尺牘

卷五

六

絕訓應未敢一履公庭自念廢棄之人本不必高論時務討人憎厭此皆向日備聞師訓守已持身之道多蒙啟發不敢不兢兢也吾師行將別去白頭師弟臨歧頗難爲懷亦知吾師必以雲爲念用敢謹布區區以釋垂注附呈贖敬並微物各種登於另紙彘彘表意伏乞鑒存不宣

又

一昨奉到本月初九日手諭莊誦之餘敬諭道履沖和精神彌健並知元旦獲麟充閭增慶孫世兄赴京朝考轉駒報捷一堂四世喜溢門楣凡此家庭之樂益徵蔗境之甘此人生所不可得者而尤有萬萬不可得之一事則以我



師年登大耋精力之康強步履之輕健直與三四十歲壯  
年人無異此天之特厚於我師福祿熾昌正未有艾也雲  
今年六十四歲蒲柳先零竟無有十日不病者大約一月  
之中得半月之安便算佳境今春二月初間偶爾失足傾  
跌便病至二十多天向愈未及二旬忽患齒痛已有二十  
餘年不發痛至呼天籲地手足無厝至今飯非極爛者不  
能下咽餘物可知已本月以來精神稍好總覺不能振作  
故從未一出戶庭親友存問亦來而不往幸皆憐其衰病  
不以禮節相繩去今兩年連得曾孫二人現在共有四孫  
兩曾孫終日在家與孩提調笑以娛目前而已拙箸彝器  
兩鼻軒尺牘

卷五

七

圖釋四冊甫經刷印歲事敬呈訓定

又

久疏音敬亦未奉訓示正深馳念適接月之十三日手翰  
發函申紙洋洋千言恍侍几席備聞清誨幸甚幸甚我師  
以大臺之年三年之內竟叶一索再索之占蘭芽雙茁競  
秀庭階此固熙朝人瑞抑亦千秋佳話雲雖昔學無似當  
撰長句爲賀以誌德門之慶雲今年尙無甚病惟精力日  
衰終歲杜門訓應久廢婁東連歲木棉歉收辦公頗形竭  
蹙刻下雨暘無愆但望往後調順可望豐收近有邪教剪  
辮及厲人等事如常州所屬及蘇州省城竟至徹夜鑼聲



羣起守夜鬧至旬日妖風漸息而又蔓延至於嘉禾一帶  
可稱咄咄怪事妖書之出自古有之雖以唐貞觀之盛亦  
有根根殺人之謠至於弓刀自衛彌月始息原可以鎮靜  
處之惟目前邪教之人詭附天主教以冀避罪而該教堂  
又一味袒護釀成民教水火激生事端是則可愛也吾師  
雙眼井新宅落成想起居定必適意禪悅愈深世情愈淡  
焚香讀易頤養天和一切煩惱愛憎悉置度外以自安其  
坦坦蕩蕩之天是則白頭門生所飲食切視者早發橋歸

前月二十日接是月初二日手答發留莊誦如親色笑蒙  
荷疊軒尺牘

卷五

八

示紀述重赴鹿鳴長律入章氣蒼格老慨當以懷中間歷  
教行藏通塞身世危疑而惓惓君國之忱迸溢於字裏行  
間循環頌能無怵舞雲久不作詩應酬贈答早經謝絕

惟念重宴

重登天門一已厭謝安曾悉傳與杖履自交

盛典非耆年碩望不容輕預其選竊不自揆謹依元均成  
詩八篇錄於另紙伏乞誨定律雖未工卻不敢摭拾浮詞  
貢諛取媚良以白髮師生其交契自有在世俗酸醜之外  
者亮師亦必鑒及此也雲交夏後尚無不適深恐秋風將  
至嗽疾復發時切惴惴耳自古詩之

又

交博空時日秋風漸息而又蔓延至於嘉禾一帶



元旦吉辰欣奉手翰發留莊誦猥以雲七十犬馬之年新  
詩寵錫藻飾紛披闔室傳觀其相慶幸伏念吾夫子壽臻  
大耋重赴鹿鳴之賓示于將永志前臨呈白金三十

盛典躬膺

恩綸稠疊

詞林佳話已屬科第中不可多得之遭逢此人情之所榮  
猶未足爲吾夫子頌也所至難得者耳目聰明精神強固  
興會所至雖壯盛少年亦所不逮良由久耽禪悅曉暢宗  
風四相三心早經勘破用能萬緣解脫實證菩提不必咽  
芝餌丹自然堅剛不壞克享長生海內靈光熙朝人瑞固

兩鬢軒尺牘

卷五

九

非佛地位中人不足以當之也

雲

德薄能鮮情道昧學秉

資鈍滯欲從末由兼以蒲柳早衰病不離體終歲杜門一  
切訓應禮節久經謝絕不過在故紙堆中消磨歲月崦嵫  
已迫學術無成詹望師門徒呼負負去冬舊恙小發卽愈  
方以爲幸不意右臂忽作痛楚飲食需人扶持不能握管  
者兼旬有餘今雖云痊而屈伸尙有未順此書屢輟始成  
以視吾夫子信筆揮灑精神滿紙真不可同日語也來劄  
已附裝在詩冊之後傳示子孫永志師誼謹呈白金三十  
餅聊以侑酌拙畫一冊臨張遷碑一冊臨素師聖母帖一  
冊縮臨北魏鄭文公上下二碑石刻一冊漢建安弩機攷



一册統乞賜納鑒定

又

端節後二日接奉四月廿八日手諭備悉種切敬審杖履  
安和精神彌健欣慰無量去年浮沈之書雲意恐係送書  
交局之人貪此二百文號金遂將此書毀棄路隔二千里  
明知無可對證也吾師連遭祛篋竟出於左右伺應之人  
良由宅心仁厚待人以誠以不億不逆之坦衷加之若輩  
又見其小忠小信貌似樸實於是銀錢出入一以委之此  
輩豺狼成性味良者多雖赤心爲主者不乏其人然究良  
者寡而莠者眾也往事可置勿論以後稍加審察爲宜明  
兩鼎軒尺牘

卷五

十

歲重宴

瓊林此非常之慶吾

國家二百數十年預此

恩榮者僂指不越十人昨於邸報中見秦州王子勤觀察  
已由督撫入奏由二品銜蒙

賞頭品頂戴吾師爵位較崇或更邀

異數似不待至冬間即可援王子勤之例具呈請奏彭芳

庭中丞和平中正通達事理必能爲吾師欣然入告也如

準擬卽日舉行

雲

與芴翁通書再當切實託之以期快速

所需扣帶印泥書畫各件遵卽寄呈開於另紙望查照晒



納雲 不能畫巨幅已另託世好林海如寫五色牡丹一軸  
取富貴壽考秋間寄上卽爲吾師大慶之壽戟門兄惠詩  
不及答和特錄近作二首書成小橫幅聊以將意乞轉交

兩畧軒尺牘

卷五

七



不又答味林發致非二首書知小黃副卿以雅意予轉交  
取富貴壽考秋間寄上卽爲吾師大慶之壽戟門兄惠詩  
不及答和特錄近作二首書成小橫幅聊以將意乞轉交



覆潘季玉觀察

會璋

論減賦宜從速詳辦書兼簡郭

筠仙觀察

同治二年二月初一日余罷職寓滬杜門不預戶外事  
今侍郎糧儲道郭公筠仙介潘季玉觀察過訪知余謝  
客排闥而入不得已出見叩兩公來意筠公云大兵正  
集大帥以缺餉爲憂有候補某上說帖謂沿江海洲田  
不下數百萬頃若准予繳價升科按畝核計可得銀二  
百萬兩大帥意不能無動擬委兩公設局會辦兩公未  
能深信謬以余爲識途之馬特來見訪行止決余一言  
余與季玉雅故而與筠公從未謀面感其下問之誠不

兩魯軒尺牘

卷五

十一

敢安於緘默因力陳以爲必不可辦

語詳與季玉書中

筠公深

慮余言而問有無別法余曰公負海內重望現在正筦  
糧儲欲與民更始籌興利除害之方當務其大者遠者  
顧名思義應從糧字上著想江南第一稅政最爲民患  
莫如浮糧重賦余於咸豐六年在江陰差次爲震澤閘  
漕上書制府謂蘇松漕務江湖日下已成不可收拾之  
勢若不據實上陳早籌變計其隱禍有不忍言者不願  
時忌反復數千言制府頗采其說而爲議者所沮格未  
能行現在松江甫復誠能及此時會詳請奏辦培元氣  
而甦民困洵千載一時之機不可失也筠公欣然願季



玉曰余從安慶來與會相論東南利弊亦曾議及蘇松賦重民累賊平之後思有以拯之今若舉辦必合會相意保無異詞越日季玉書來述觀察之意詳詢沙洲升科之不可辦并索觀減賦稟稿因復書如左

敬復者頃奉手諭以前日所論減賦筠仙觀察屬擬節略並索觀從前稟制府一稿查拙稟約二千餘言庚申之變與皮藏書籍同付浩劫冗長不復記憶略記當時立說大致以蘇松糧賦過重紳衿大戶除應加火耗外必不能聽官吏之浮勒州縣一經開倉費如蝟集其衙署各項用度漕務運腳諸費種種開銷皆藉冬漕爲補苴大戶旣不聽

兩壘軒尺牘

卷五

七

浮勒勢不能不取給於小戶於是米價石糶二千錢折價有八千十千至十數千錢不等胥吏又從而朘削小民馴懦者始則賣妻鬻子繼而入逃戶絕其黠者則以本糧隱附大戶名下以避重就輕於是大戶日益增小戶之困日益甚此外劣矜之包納頑民之聚抗每至開倉輒興大獄此其故皆由賦重所致也因湖蘇松嘉湖賦重所由致其害實始於宋景定間賈似道行買公田賦法雜亂元初沿朱之舊至延祐中復增定賦額明祖定天下田稅賦則本輕而於蘇松嘉湖各府則以張士誠久抗不下怒民附寇遂將籍沒豪族田地取其私簿飭有司依租額定賦列入



官田故賦則獨重建文卽位特予減免照各處起科畝不得過一斗未幾而永樂盡革建文之政蘇松嘉湖之民重罹其厄宣德正統間民困重賦逋逃日甚巡撫周公忱知府况公鍾累疏請減蘇松兩府得減秋糧百萬石有奇嘉靖間蘇州知府王儀嘉興知府趙流請行均田法以官田重賦攤絜於民從此永爲定制

國朝平定江南田賦照萬厯間則例爲準時已無官田名目康熙年間韓公世琦吳公正治慕公天顏湯公斌因蘇松糧額過重先後請減反覆披陳卒格部議未行雍正三

年

卷五

七

特恩蠲免蘇州額征銀三十萬兩松江額征銀十五萬兩乾隆二年又

詔減蘇松額征銀二十萬兩終以舊額過重相沿至今釀成江湖日下之勢若不據實瀝陳早籌變計其隱患有不忍言者此當時抽橐中大略也顧今昔情形有不同難易亦迥判蓋在當時內則格於部議外則刁生劣監巨室土豪藉漕漁利之徒造謠阻擾官吏狃於目前必以誤漕爲藉口大府心知秕政莫挽旣倒之狂瀾亦積重難返也今則蘇太嘉湖尙爲賊據獨松江一府已報肅清誠能於辦理善後案內籌請減賦約計行之便者有四利者亦有四



請略言之查松府各州縣雖已收復民間單契與擋案冊籍必多散失趁清糧給單之時舉辦減賦便一戶多流亡田失耕種瘡痍未復勢難遽責催科且蘇太等處尙爲賊陷此時陳請部臣不能以有損正供議駁便二無誤漕之藉口無巨室土豪之沮撓便三滄桑之後田地界址不清科則混淆豪強兼并加之胥吏舞弊專在於良民一辦減賦每邑延請公正紳士出爲襄理官紳合力可期弊絕風清便四籌辦善後首重勞來小民散處四方者間有減賦之令從此田無後累且可取贏勢必爭先歸來不招自集利一民爲邦本向以逋逃鞭扑迫生怨咨今陷在賊中兩鼻耳尺牘

卷五

五

正進退傍徨之際忽聞此非常之曠典從此力耕得食莫不興故土之思尤收拾人心之助利二蘇松糧額既重小民完不足數每每畏法潛逃田無受主以致荒蕪不治課額虛懸減賦之後田可得價輸徵必能踴躍官無挪新掩舊漕可年清年欸利三溯自道光初年以來蘇松各屬無歲不歉驗之冊籍額征固多稽之實收民欠殆半一經請減

減

五湖期滿後引不許以資賦五湖編總賦之無難辦

國家去重賦之虛名民間沾輕糧之實惠一切災歉隱射承可革除利四凡此四便四利不過粗舉其概言之實則有書之不勝書者某待罪杜門本不敢妄論時事迺執事



與筠公不棄其愚懃懃下問復自念家居湖州同隸重賦之地遂自忘狂瞽謹疏其略如右倘得大府主持於上執事與筠公左提右挈輔成其事堅持定識志在必行起七百載之沈疴拯億萬姓之陷溺此實不朽之盛事後世必有馨香尸祝者也或謂此議宜俟江蘇全省肅清再行舉辦愚以爲京倉待米正殷東南財賦久爲賊占一旦全省肅清計臣必先以整頓錢漕爲急斯時陳請恐仍格於部議當其可之謂時竊謂減賦一議不辦則已辦則必當以今日之松江爲始他時收復蘇太嘉湖其辦法一如松例此事林一兄留心已久盍先與言之伏惟加察不宣

兩鼎軒尺牘

卷五

六

此書達後明日馮林一兄來云筠仙觀察攜至幕府互爲傳觀大帥適至取閱至當其可之謂時訖辦法一如松例數行用手指密圈連稱聰明聰明是極是極因願觀察云可卽上詳又願林一云老前輩卽擬奏稿若刻不待緩者觀察恐方伯或涉遲疑不復與藩司會印單銜通詳亦創格也余於是月中旬應常鎮道許緣仲親家之招赴焦山逗留兩月五月初旋滬季玉來晤詢減賦一摺已否奉到請其專摺詳誌蘇州府志批旨季玉云好事多磨自子行後羣議紛起僉謂必俟蘇城克復全省肅清歸於善後案內奏辦方爲文從字



順言者甚衆方伯爭之尤力大帥因之遲疑林一以口  
衆吾寡亦復隨俗浮沈余性急苦於不能挽回遂亦不  
復置喙余曰大帥見事明決前此極贊鄙議先從松江  
辦起爲是君所共聞也鄙議此事之必不可從緩者誠  
以目前奏辦則蘇城尙爲賊踞地非吾有部中必不使  
議駁若全省肅清則司農職掌度支綜籌出入亦不能  
不恪遵成憲准駁實無把握卽使上邀

恩准亦必不能大減特減如所請之數君巨紳素肯任  
事且清辨滔滔議論簡括與林一吶吶者不同宜於大

帥前透澈上陳必於此時入奏事方有濟季玉曰誠然

兩鼻軒尺牘

卷五

七

是吾責也立卽肩輿進營與大帥反復論之議遂決於  
五月十一日由驛具奏

又論洲田繳價升科窒礙不可辦書

奉手書述筠公意以昨論沙洲繳價升科所以必不可辦  
之故請畢其說以便轉告大府云云具見筠公不棄葑菲  
虛懷若谷敬佩敬佩查沿江沿海各屬新漲沙洲大抵以  
崇明通海江陰常熟數屬爲最多僻在海隅民多强悍數  
十年來爭奪纏訟甚至聚衆械鬪無歲無之地方官審辦  
不得其平往往激生事端釀成大獄咸豐六年督撫兩院  
會奏委督同印委各員分投履勘設局江陰城中准予



分等繳價按畝給單其時髮逆困守金陵勢已窮蹙江常等處俱稱完善上有兩院主持呼應較靈下則應委洲董皆得選擇而使寬猛相濟勸懲互用尙且竭年半之力僅得銀二十萬兩嗣因各局經費浩繁恐滋民累遂卽稟請撤局所有尾欸及未結各案統歸地方官督同公正洲董清理此當日鄙人承辦之情形也今者江常淪沒其餘各沙洲非陷在賊中卽與寇氛相接洲民之溫飽者早已挈眷避賊散處四方其留滯者類多至貧極苦之人方體恤之不暇安能責以繳價卽或有一二完善之區亦多時慮賊至一日數驚凡此艱苦情狀雖非目擊實出確聞倘惑

兩鼻軒尺牘

卷五

六

不經之言謂可驟得鉅欸輕以試辦小者抗價阻勘毀局毆差大者激生事變皆在意中必致大損威重得不償失伏念執事肝膽照人筠公又負海內重望兩賢合力正可於籌辦善後之際爲地方樹數世之利立久大之謨千鈞之弩何值爲鼯鼠發機耶狂直之言幸維裁察不宣

沙地升科民田減賦事適相反當時亟務籌餉而先生獨能以損上益下之說進卒使吳民世世受惠是何等

力量乃至今官場無一知者此真所謂陰德矣實時於

同治八年頗阻豐順中丞之辦沙洲而不可得後亦未能取效似於長者所議有窺見一斑處至科則零繁滋



弊其時不附入正案具奏裁併實爲可惜馮林一先生  
曾出代合肥相國擬疏見寶時權藩時因賦役全書  
事經八年之久尙未告竣欲申前說聞者譁然其故莫解  
始未深考全書耶抑不知民間實在完納情形耶至以  
矣前各縣清糧大半草草塞責以意爲之時閱十稔尙有  
未經舉行縣分災歉隱匿甚多所謂冊廢亦率多不實  
迂拙之見以爲荒熟宜極分明科則卻不妨多減庶事  
以得其平利不歸於中飽然地大物博非真有識力者提  
前挈而經畫之未易塞先生之厚望也書以志慨光緒元  
年秋永康應寶時謹識

兩鬢軒尺牘

卷五

七

前辱惠顧面述左相覆書訂期前往詢商地方事宜大抵  
以兵亂之後閱時已久尙是人煙寥落滿目榛蕪善後應  
行興革之事亟宜趕緊籌辦培養元氣庶幾瘡痍可復富  
庶可期洵不易逢之機會也尊諭謂仍守三緘之誠甘類  
寒蟬不特無以副當道垂問之意抑且無以對君父此惟  
執事有此胸襟氣局亦非執事不配發此議也屬將應辦  
事宜有關民生利益者開具所知以備採擇轉陳云云兄  
年來杜門不出實少見聞且地方平靖將及二十年善後  
應辦之事亦已次第舉行謹就管窺所及平易可施者畧



迭數條疏於另紙一切高掌遠蹠之論不敢輕發吾弟姑  
存夾袋酌爲去取可也

保甲本是古法現在何嘗不辦乃有名無實一味敷衍  
成文遂致宵小縱橫賊盜肆竊甚至深夜放火乘機劫  
放省垣重地商民夜不貼席尙屬成何事體推原其故  
皆由官紳不能聯爲一氣使良法美意盡成具文應請  
專派熟悉地方利弊大員公同商定劃一章程實力奉  
行此察暴詰奸第一要着府學之匾實在妖異之列不  
僅咄咄稱怪已也思之寒心嚴保甲以清伏莽實爲當  
務之急萬勿以老生常談河漢視之地方幸甚萬民幸

兩鼎軒尺牘

卷五

二

甚

各屬倉廩尙有未建業戶止能完折不能完米應請飭  
查具報一律興建衙署爲州縣治民事事之所亦有未  
建者並應趕緊建造不獨爲肅觀瞻已也  
水利爲農田之本各州縣所轄支河汊港卽古之溝洫  
也是否一律疏通橋梁之傾圮者是否一律修建應請  
飭屬開報並籌議逐年歲修之法  
城內外瓦礫廢地間江甯現欲以罰款捐項收買分別  
造屋召租此爲善後勞來起見然江甯城大亂前尙多  
曠土今欲肩摩轂擊克臻富庶雖有盛心未必做得到







文  
程安德三邑稟請減賦公呈

竊職等春間公呈湖郡善後芻言仰奉鈞批深以劫後遺

黎曲荷軫念合郡傳誦感激涕零祇因窮寇負隅久稽顯

戮明公發蹤指示克復堅城全省廓清昇平重覩人各有

良宜如何馨香頂戴仰報生成伏念湖郡自咸豐十年二

月髮逆竄擾元年五月淪陷至今年七月收復閱時五載

之久多一日攻戰卽多一日焚殺環城數百里無一處不

居民離散廬屋成灰白骨青燐慘難言狀不料東南浩劫

併注於湖爲日獨久而被禍之至於斯也譬諸人身疽發

潰爛幾無完膚得盧扁治之使之歸結一處收痂出毒患

兩鼻軒尺牘

卷五

雖平而筋絡血脈傷殘實多調復元氣非大施峻補不爲  
功竊以爲目前地方新復首以招集流亡爲要願欲集一  
方之流亡必先重一方之恆產欲重一方之恆產必先除  
一方之積累伏查湖州古號菰城向稱澤國禹貢揚州之  
域厥土塗泥厥田下下由漢唐以迄趙宋載籍可考者賦  
額皆輕迨至宋末賈似道枋國行公田法重斂病民民始  
大困明太祖定天下略地至湖州安吉長興武康先降賦  
額仍舊獨烏程歸安德清與蘇松兩府相距至久明祖仇  
怨地方遂將籍沒各官田飭有司依租定賦而民愈困建  
文卽位特予減免照各處起科畝不得過一斗未幾而承



樂盡革建文之政蘇松嘉湖四府之民重罹其厄宣德時  
念民逋欠逃亡稍爲甦減嘉靖間復以官田額重攤入民  
田并爲一則從此民田之糧亦遂並重矣

國朝定鼎田賦以萬厯時科則爲準今以烏程一縣論每  
畝徵米一斗八升零歸安德清略同賦額之重已與蘇松  
相埒此指秋糧言也若夫條銀之重則比蘇松爲尤甚請  
略陳之查截銀一項各省皆無獨杭嘉湖三府有之三府  
中又惟烏程歸安德清爲最重其害起於萬厯中年以糧  
米泡爛每正耗百石外有免其晒乾篩颺及平斛加尖各  
名目共加米九石八斗是謂私貼崇禎十四年因水災米

兩畧軒尺牘

卷五

貴郡守陸自巖平價每石酌定一兩八錢以折九石八斗  
之色名曰截貼以其爲運軍私勒浮加之米截出另算謂  
之截費前此所未有亦他省之所無所以不載全書不入  
奏銷

本朝順治八年題定截米九石八斗改徵銀一十七兩六  
錢四分又加津盤運銀一十八兩綱司銀二兩給軍兌運  
每漕一百石徵銀三十七兩六錢四分從按院杜公所請  
也康熙初范忠貞公撫浙與督院劉公會題截米九石八  
斗每石減銀三錢共徵銀三十四兩七錢復經科道以截  
銀爲浙幫之陋規非直省之通例交章請減卒格部議未



行乾隆四年併入地丁統徵從此私貼與正課混而爲一  
每畝計徵銀一錢八分零較之蘇松二府每畝徵銀一錢  
二分左右者爲尤重兩省志書具在可復按也今者  
天爲社稷篤生偉人運轉東南恭逢碩輔自明公之督師  
莅浙也正值全省胥陷寇勢方張兵餉兩窮戰守俱棘雖  
以孫吳處此亦恐無從措手而明公從容決策其甘苦於  
三軍置腹心於羣帥人思効命士盡矢忠兩年之間肅清  
全浙又念浩劫雖平瘡痍未復毀槍船以清伏莽禁科歛  
以恤民艱如各處捐局釐卡古所謂間架陌錢一切不得  
已救急之稅政均蒙次第蠲除先後裁并今茲減賦一事  
兩疊軒尺牘

卷五

欽奉

諭旨飭議職等知明公痾瘵在抱饑溺爲心必爲之剴切

上陳力求

恩減原可無庸瀆請祇緣湖郡各邑向以絲穀並重此次  
被兵最久受禍至深在荒田得一二三年開墾即可成熟蠶  
桑非五六載培養不得有成是湖郡賦既重於蘇松災尤  
甚於他省矣夫人身患沈疴非不知父母之愛子必爲之  
醫藥調治而當疾痛顛連未有不呼父母者今三邑之民  
哀籲明公亦猶是也查同郡安吉武康孝豐糧額素輕職  
等不敢請以爲比可否仰乞俯鑒輿情援順治十一年江



西袁瑞二府照鄰邑新喻縣減賦成案請將程安德三邑  
地丁漕糧一律照毘連之長興縣賦則起科查長興每畝  
額徵銀一錢四釐零米八升六合零準此量定雖比諸三  
邑舊額已經大減而比之他省外府尚多二三倍至十數  
倍不等卽比之鄰省之常鎮各屬尚多一倍以外此七百  
年無窮之積累不得不環叩鈴轅號求拯救倘蒙奏奉  
恩准得甦重困從此不煩敲扑易於輸將再造之恩合郡  
同戴職等不勝悚惶待命之至

兩署軒尺牘

卷五

三五

同戴職等不勝悚惶待命之至

恩准得甦重困從此不煩敲扑易於輸將再造之恩合郡

同戴職等不勝悚惶待命之至

恩准得甦重困從此不煩敲扑易於輸將再造之恩合郡

同戴職等不勝悚惶待命之至

恩准得甦重困從此不煩敲扑易於輸將再造之恩合郡

同戴職等不勝悚惶待命之至

恩准得甦重困從此不煩敲扑易於輸將再造之恩合郡



云補應敏齋廉訪

寶時

然之味感非可與手實前幾同日

廿六日別後登舟一帆風利今日已抵丹陽計程初一可  
到邗江瀕行蒙眎補帆大公祖書備悉浙省水利次第興  
辦已有告蒞者聞之欣慶無已前聞補翁親駐工次督役  
遠近其傳時有神燈出現默佑成功誠能格物感應之理  
不爽也惟以鄙人之無狀迺辱補翁不遺在遠屢及壽菲  
無以仰答盛意實切慙悚開濬漉港一節烏程所屬三十  
餘漉西路如大錢等處皆尙寬深再加疏導洩水益暢迤  
東自蔣漉至震澤交界之胡漉止最爲淤淺甚有數處埋  
成平陸港底可以行路者必得大加挑濬聞因經費不敷  
兩曩軒尺贖

卷五

五

實未動工此一查即可明也現在蠶事方興斷難舉辦前  
次補翁下問兄疏陳管見大要以得寸則寸得尺則尺爲  
言蓋江浙水利大半在蘇境也今蘇省得了兩翁主其事  
倘合兩省之力預簡賢員會同地方官巡行阡陌上自天  
目下至海口明其來歷之源導以歸宿之路疏通溝澮培  
築圩岸何處有利可興何處爲害當去經營籌度待至秋  
冬之交兩省一律舉辦浙有補翁蘇有兩翁左提右挈協  
力同心此千載一時之會也東南財賦仰給於農田農田  
所出必資乎水利現當減賦之後培養元氣較易爲力語  
云蘇湖熟天下足此自然之利源非可與手實陌錢同日



語也補翁處不另專函乞以此覆之禱甚禱甚

杭州書局章程刻已寄到特奉省覽杭局現在先刻御纂七經金陵局接縵雲書云已刻成者四書六經小學公羊古今詩選共十餘種現刻史漢刻工每百字計工錢一百六十文序目加倍如果黎版在內則工價比杭局較爲便宜當再函詢鄙見亂後典籍散佚方伯書局之設專爲嘉惠後學起見甚盛舉也似必得與杭甯兩局通力合作各將必不可少之書先爲刻起不必重出爲宜執事如以爲然望轉致之

兩龔軒尺牘

卷五

七

又

再前日尊諭擬設書局邀蔭翁與兄其襄其事曾與方伯談過極荷許可云云當時並無一言辭謝以書局之成否莫必原可無庸置喙也今已垂成愚衷竊不敢不白兄頻年跼伏衰病侵尋踈懶已成習慣且現治吉金圖釋一書明年夏秋始能卒業斷不能旁及他事平生經綫之性設既承乏其間而不盡心所事義之所不敢出也然使勉強承命如昌黎之寅入辰退申入酉退亦力有所不逮與其濫竽貽誚不如據實直陳萬一方伯謬采虛名或有誣譏務懇代爲婉達此由中之言萬不敢稍有虛飾同於世之



矯僞一流幸亮之本俟走談因恐遽有成議特先草此奉  
託餘俟面罄不吳王又謝賦其間崑山青浦嘉定界至上海合黃浦以入  
前者台從莅省得敘談三日爲快所論去年積水未消一  
經霍霖恐有墊溺之厄頗以劉河議濬工已估而汔未舉  
辦爲憂意欲屏去廉從仿海忠介之輕舫芒屨周巡目驗  
霽然仁者之言可勝欽佩執事饑溺爲心抱負宏遠客冬  
辱損書咨訪思所以正人心而勵風俗懃懃之意溢於楮  
墨久欲稍竭區區爲左右萬一之助恐蹄涔之見無裨高  
深是以遲遲未報今復以濬河一役采及芻蕘雲雖嬾陋  
兩疊軒尺牘

卷五

五

自念生長吳興與蘇松接境地勢最居窪下平日於水利  
原委稍窺厓略不敢自棄謹先將劉河之不可不亟加疏  
治爲執事陳之按三江之名肇於禹貢自漢唐以來諸儒  
考究辨論互有異同今姑就吳中所稱爲三江者言之則  
婁江實居其一也蘇松嘉湖之水來源皆發於天目諸山  
而瀦於太湖分流東趨以入海其自澱山泖湖從華亭之  
南折而東北入海者爲黃浦卽昔所稱東江者是也其自  
吳江長橋歷長洲崑山青浦嘉定界至上海合黃浦以入  
海者爲吳淞江其上承鮎魚口北入運河經郡城婁門抵  
崑山至和塘東合新洋江諸水由太倉歸劉家港入海者



爲婁江卽今之劉河是也宋以前通塞不可考自崇甯四年歷元明代有疏治之績載在志乘

國初以至嘉道年間大濬之工亦志不絕書周文英謂劉河爲三吳東北洩水之尾間關係綦重今日淤淺日甚將成平陸水無歸宿勢必橫溢汎濫昔賢如單錡郝亶父子論之甚詳可覆按也執事誠能窮源竟委循故道而濬治之此外瀕海各要口量擇疏泄譬之人身使之血脈流通經絡舒暢自然無病近年水患頻仍去歲霖雨稍多農田已被淹不少蘇松常鎮太杭嘉湖七郡一州錢漕居天下之半水政修而後農田利農田利而後粟蓄足

兩壘軒尺牘

卷五

三

國賦充方今司農仰屋紛紛從事於問架陌錢手實諸稅政轉舍此自然之利源而不講頻年蠲緩正供愈虧可太息也昔年郭筠仙中丞下顧菰蘆諮雲時政雲上減賦之議時中丞正任糧道遂單銜詳奏得人良對云風源委議旨准行使七百年之積困一旦甦豁今執事觀察蘇松三江盡在統轄之內有志振興責無旁貸所望不避嫌怨速圖成功大業運以小心至計無煩多慮雲亦部民竊願懇香頂祝相從諸耆老爲執事上東南福星之頌焉臨書不勝引領之至

蘇州府志卷之五

蘇州府志卷之五



昨奉初六日手書具悉種切卽審敷政攸宜順時諧暢聞  
從者卽欲來省已諷吉有期否殊深殷盼蓮邨廣文赴滬  
道出吳門晤談兩日所談善舉皆屬應辦而鄙意莫急於  
收養幼丐一事其法擬將境內數歲至十數歲亂後無家  
可歸流而爲丐者賃屋安置或搭雇工匠教手藝如泥木  
作及販履織席之類量其材質使學習之遲則期年快或  
數月卽可自食其力此中容或有故家子弟察其天資稍  
優或送入義學或延師教讀各幼孩羣聚雜處如何收束  
其身心防閑其出入稽察其勤惰必須立定章程或卽責  
成蓮翁專司其事此第一實政不比託之空言經費尙不  
兩疊軒尺牘

卷五

三

甚鉅萬望吾弟亟爲之創省中當商之林一季玉清卿諸  
君必卽踵行他日得陶成若干人傳宗接代當必使父兄  
子弟馨香互告有狄使君活汝之感卽執事之椒蕃世澤  
亦於此舉爲之券也禮庭兄當必相助爲理應定章程望  
爲速定如何謂之疎量其材質好學醫之數閱歷乎矣  
百饋又而飲西管贊星交勸  
昨奉手教欣審攝衛攸宜順時諧暢濬河之役本不能刻  
期誠能預爲部署至秋冬水涸當可舉辦比得家鄉親族  
來書云蔣薌泉方伯邀集官紳籌議開濬湖屬各溇港亦  
以轉餉蠶忙爲時迫促爲慮兩省水利本同條共貫將來



通力合作使來源去委一律疏治甚盛事也余蓮村廣文已到定初六日起身奉謁此君爲學專祖新安法脈甚正而其勸人爲善則又宗漢儒之實事求是不徒託之空言與之久處自悉也方今盜賊未平中原多故功名之士大抵皆曳裾挾策以取重當世否則敝衣垢面以辭讓爲終南之徑獨執事孜孜焉興書院聘山長使諸生務崇正學以立根基而有迹涉僞託者必能洞燭其隱微昔范文正授孫明復以春秋張橫渠薦胡安定爲太學師一時理學名臣彪炳史冊執事障海迴瀾旁搜遠紹持之以力貞之以恆行將與文正公後先輝映屬在契末榮幸何如

兩疊軒尺牘

卷五

三

昨聆教言索觀與補翁方伯書稿知執事有修舉廢墜振興頹俗之志仰見蘊負宏遠度越時輩佩甚幸甚浙西與吳郡水利爲農田命脈所關失治者久矣若不及早圖維一旦勃戾爲患補救莫及是亦仁者之憂也誠能合兩省之力循故道而修濬之此數世之利亦莫大之功執事出而力任之甚盛事也盼禱盼禱前致補帆方伯書稿並章程十條爲家鄉親友索去日內即可寄出所論專爲烏程澠港不足以備采擇且蹄涔之見亦無裨於左右也茲先將太湖備攷送上乞鑒



又

頃奉手書謹悉昨送去太湖備考此書於水利本非專家  
不過瀏覽掌故而已浙吳水利爲農田命脈所關自吳越  
錢氏以來講求水學諸書卷帙過繁且有今昔不同之處  
恐公冗未能徧閱有敝同鄉凌君著有東南水利略六冊  
於浙西蘇松水道頗能洞澈原委特專人送上以備采覽  
又

頃奉手教並太湖漕港工程卷宗謹悉卷案俟閱後另繳  
承示三難洵屬扼要鄙意經費少只有分年興辦之一法  
魚鱗菱蘆俟委員履勘後分別最要次要擇其大有礙於  
兩壘軒尺牘

卷五

三

水道者剷除永禁緣此中倚以活命者不少斷不能概去  
之也三難之外尤以得人爲難此則古今所同慨也方今  
杭湖蘇松六府州之人皆引領於執事此由平日物望之  
歸有不期然而然者迎與距皆無所施也至震澤所屬練  
聚橋港黑橋港昔爲來水今爲去水此二處南受太湖之水東行迤  
邐入運河自薛埠至葑溪爲上流入湖之口練聚橋至吳  
港爲下流出湖之口謹以附陳

又

前日草復數行計登籤室一昨接湖州宗太守書特奉省  
覽敝郡之人爲水利事仰望於執事者甚勤所願春風廣



被宏此遠謨兄亦託在帡幪同沾庇蔭此事本已報竣經辦之人正在具名請獎忽奉

寄諭緩辦而獎案遂輟羣歸咎於豐干饒舌鄙人於家鄉公事從未過問特因其關係農田者至重若一奏結請獎則將來必要自相迴護非三四十年斷難望有重濬之日家居淩上事經目擊實有不能已於言者湘翁書中所云初無嫌怨蓋爲代剖也當日覆王補翁條議數則於徹處淩港事較前議稍加詳盡檢奉采擇蘇境水利扼要昨潘令有呈覆節略尙屬明晰惟必須親往履勘另繪細圖註明來原去委甯瑣無略聞吳令恆建議先開泖澱愚以爲兩鼻軒尺牘

卷五

杭湖諸水似未直注泖澱然其旣立此論亦必有所見乞將草稿抄示一閱

又

昨奉手答並示摘錄

國制各條參酌禮經考稽

國典其無明文可按則又詳查例案仰見精審周密巨細靡遺循繹至再實深欽服惟內有尙未盡悉者如直省官員不嫁娶不作樂如在京官員例一條查會典

憲廟喪儀王公以下文武官員一年不作樂百日不嫁娶在京軍民人等一月不嫁娶百日不作樂後據禮部奏准



在京王公百官二十七月不作樂不宴會一年內不嫁娶  
外省官員及軍民人等仍照從前定例行蓋從前定例京  
外一體至此始定區分也揆度外省當日所以不改者良  
由禮緣義起亦順人情以天下十八省之遙嫁娶作樂若  
均限以二十七月閱時過久格礙正多中間必有條議會  
典不載故無可考耳今摘本所列想跟前一條在京官員  
分別三品以上四品以下而言惟外省并無分別明文此  
條應否節刪以歸畫一又摘本列官員軍民人等二十七  
月內均不准演戲打唱此條未知有所本否打唱想卽吳  
俗所稱清音是也竊思外省期年以外旣准作樂則清音  
兩疊軒尺牘

卷五

三

似不應在禁例蓋作樂二字所包甚廣  
睿廟時都中有以打十番串把戲者執送刑部後成奏案  
奉

旨釋而不問四海傳播

皇仁至今茅簷蔀屋尙頌揚勿替查清音一業他省不必  
論以江浙兩省計奚止萬人期年失業餬口無資困苦已  
難言狀卽使例有禁案尙欲恩施格外思所以矜全拯揀  
之方否則三年之後此輩皆在枯魚之肆矣天下事有載  
籍所未詳者或訪諸更事較深之人容有補裨今年元旦  
滿城官紳中獨有張青帥一人綴纓雲知之因無明文可



據未敢率從後讀邸鈔始知元旦一日綴纓實有所本也  
數日前曾與青帥晤談詢及期年後服制據云遠不必徵  
猶記同治元年某月初到河南正在一冊顯廟大喪甫過期年之時司道以下來見均穿補褂此外  
亦無不照常今摘本二十七月內不准打唱與官員二十  
七月內仍用青褂藍袍兩條可否俟訪查詳確後再行統  
望裁奪本屆重校其宋百並文十國制浙省兩次哭臨

哀詔到後僅十日卽脫縞素甯蘇兩院紅藍印亦有參差  
國有大事禮制未一不免爲外邦所議似不能不格外詳  
兩疊軒尺牘

卷五

壹

慎蘇省公事每遇疑難徵文考獻莫不奉執事爲依歸區  
區愚忱亦以知愛有素不敢不盡幸賜加督皇恐皇恐

又

兩奉手書並重刻北宋石鼓文十分感幸無已新秋氣爽  
風日晴和遙想枕蓆之餘動與吉會屏體春夏以來尙勉  
能支持現將庚申後小有撰箸稍稍清理留爲後人覆瓿  
松生兄向來傾慕所需拙刻謹先寄去彝器圖釋一部近  
刻漢建安弩機攷一冊號季子白盤攷一冊漢東海廟碑  
殘字一冊化度寺碑一冊乞爲轉交就正此外石刻及臧  
版書籍如有所需示知再報不敢吝也蒙諭吳山福地爲



韓園舊址如有碑記務乞見寄一分今建阮文達祠屬撰  
聯句文達爲平生嚮往之人舊有一事可作談助昔年  
叟夢文達見訪談次以文字相屬匆匆而起問老師何往  
云尙欲到平齋處越日阮七兄過蘇以墓銘丐叟撰書  
親來借取掣經室文集並述其事云夢不足異異在阮七  
兄之恰到也又云夢中有少可談之人等語笑囑小心勿  
要有甚筆墨邀我們去襄助相與鼓掌附及博公一喙其  
年月伯源世兄應尙記得將來可寄梁敬叔兄入箸錄也  
聯句必有以報已撰各聯能鈔示數分尤感

兩疊軒尺牘

卷五

美

平且前時...

交齊其筆...

尺之各因...

錄來對...

云尚爲...

妻憂文...

舖以文...

韓園舊...



宗湘文太守

源瀚

月前奉手教承示鍾學士以鄙議澗港事入奏奉

旨飭辦現在中丞已委史太守來勘即可舉行屬將議中第二條內所稱道光九年澗港土方刊本訪取寄上以備參攷仰見大君子軫念民瘼修廢舉墜而又虛懷若谷實事求是雲亦部民能無感幸查吳興本稱澤國敝鄉盡是水田兵燹以後各水道湮塞愈甚一遇淫潦便成漫溢昔年蔣薌泉中丞有志振興詢商鍾六英學士六英轉詢於雲曾疏大略覆之後來王補帆中丞由京南旋道出吳門特來見訪諳諳屬開條議復就見聞所及以答補公約記兩疊軒尺牘

卷五

三

在乙丑丙寅間也頻年來中外皆以江浙水利爲言兩省大府尤拳拳注意一再委員勘辦奈爲經費所限未能大舉執事謂澗港與諸閘須大治而碧浪湖尤宜並治此於吳興水利大要實已賅括洵爲不刊之論惟碧浪湖距城較近易於目驗澗港則近城者爲小梅爲大錢二處最寬闊深通此外三十六澗在大錢西者九東者二十七大約自楊謝澗迤東至胡澗止港益淤離城亦愈遠此十數澗之南如諸墓漾勝堂橋婚對橋百廿畝橋萬壽橋邵漾茅岸頭張官橋賣鹽港蔣家壩下往橋油車渠等處或淤泥填塞或菱草叢生每交冬季幾至不通舟楫古人治水必



先治下流此等淤阻處皆在程境之極東北與各漕相爲  
聯貫水望東趨若不挑濬疏通水不能北入太湖勢必橫  
溢爲患是又宜與碧浪湖並治者也往年但就距城較東  
通舟楫處查勘其迤東各要害恐經歷未必周徧人情每  
溺於便安聞去冬有數漕曾加挑濬限於經費實未大辦  
而各漕董事已報一律疏通雲籍隸吳興家居漕上目擊  
河道淤塞本不忍漠視又辱補公不棄葑菲枉顧下詢遂  
妄陳狂瞽冀垂挽救亦不過就各漕言之而於通郡水利  
尙闕而未及不圖六英遽爲上達也六英講求經濟其於  
水學一門素所究心非鄙人所及來諭謂奉發拙議六條

兩壘軒尺牘

卷五

美

不知六英曾否鼠改尙求錄示爲懇至丈尺土方各漕異  
形似宜測量水勢總以一律深通若干尺爲準其土方之  
多少視漕港之淺深爲盈縮敝鄉凌少茗水利略卷四於  
各漕皆有量準丈尺頗爲詳備可資查攷此外間有民間  
私記不足援以爲證也程安兩邑收割比他處較遲交冬  
農事始畢今年天氣久晴冬間又有閏月正易興工適逢  
福曜賈臨數世之利將惟執事是賴此殆千載一時之機  
也伏望俯加詳察速賜舉行曷勝盼禱

再承示擬修府志此闔郡文獻所繫實爲當務之急縵雲  
侍御品學粹正敝郡之鄉祭酒也尙執事延請總持志局



必能相與有成士民亦必悅服亂後各鄉童蒙類多廢讀  
執事擬設義學甚善甚善未知有成議否尤爲盼切又行

又

前月廿二日肅復數行附有駭老所書長對一聯交信局  
賫遞未知何日澈覽深爲懸系前求錄示之件因楊中丞  
已抄咨蘇省大府得以閱見內所云云與原稿無甚歧異  
惟輾轉謄寫字多舛譌耳漚港一役爲做鄉農田命脈所  
關已已開濬限於經費時又侷促僅就數直港開深尺許  
並尙有未開者而橫河乾涸處概未勘辦茭蘆叢塞處俱  
未剷除閘板亦未修建倘因經費未充不能同時並舉原

兩疊軒尺牘

卷五

三

可逐年分辦爲得寸則寸之計乃承辦之人不明利害妄  
思褒獎遽報一律疏通開竣大府相距甚遠遂據情覆奏  
愚以爲若不報開竣尙希冀有重開之日今已報開竣矣  
覆奏矣則非閱數十年不能遽議重開事關桑梓又經目  
擊實有不忍不言者非好爲議論也不意鍾學士據以入  
告然使因此而得加重濬實事求是有益農田則雲雖抱  
多言之咎亦所不辭公十年舊雨今辱降臨做郡做郡之  
人咸託宇下尙能擇淤淺各要道詳加履勘合碧浪湖及  
漚之橫河直港大加濬治其亂後各圩岸坍損甚多卽將  
挑河之泥督令填築修固並籌歲修之法立久遠之規俾



農田水早有資永免墊溺公之造福於敝鄉者無窮敝鄉之項戴於公者又豈有盡哉行見輝煌綽楔民不能忘雲亦當躬執馨香從鄉耆老後爲公上福星生佛之頌惟公加之意焉縵雲侍御已由杭歸來否志局事何時可以開辦雲精力年不如年比於月之初四日到婁東小住此間民風尙醇秋收亦較往屆豐稔惟故家收臧都作雲烟散去並無解談此道者手肅布臆不宣

再府志爲闈郡文獻所繫亂後闈微發隱表揚忠節尤爲鄭重執事志在必辨聞之喜而不寐謝城博極羣書復優兩鼻軒尺牘

卷五

四

於記誦此敝鄉第一樸學之士執事延攬及之足徵真鑒佩甚佩甚弟有世好徐小谿孝廉有珂於書亦無所不窺人極敦品爲縵老書院肄業弟子與謝城亦至交倘處以襄校之席必有裨益以其平日留心時事兵燹之後頗有紀錄可資采訪執事其置之夾袋中如何墨妙亭湮沒久矣其墨拓之存於世者亦不多見將來復刊數碑略存前賢遺跡亦藝林俊事所望大君子久於其位則我湖之福耳沈菁士兄以彼此作宦在外雖屬同邑約記僅識數面而已鈕壬林兄向有姻世誼亦不過相見數面並未熟習然二君之品學端方潔廉自矢則知之甚審大略居心行



事與黼香公祖同一老成持重結實可靠執事與之共事當亦知其蘊也淩港距城較遠二君未能身親目擊不能不憑淩上人之言是聽猶之弟於碧浪湖情形雖知爲水道要害並未目諗亦不過人云亦云而已事關桑梓利病既確有所見亦何肯引嫌自匿甘類寒蟬况事已覆奏若再於覆奏之後敘勞請獎則非閱數十年斷難望重濬矣此真間不容髮也當仁不讓竊自以爲言之者無罪不暇計嫌怨也所需裝裱匠顧子山處舊人年已七十矣現在蘇開店不能遠出此外竟無好手義塾章程周密之至乞再寄十分爲荷

兩疊軒尺牘

卷五

望

正在封函間適應敏齋廉訪偕杜舫老同來卽將此書交閱並出尊函同眎敏老云於執事相識並極佩大作倚聲刻下蘇省委徐蓉亭吳仲英兩司馬往勘督辦尙未定人舫老肯任其事則大妙矣此事能江浙合力大舉更難得執事與應杜二君主持其間洵千載一時之會也

又

前月辱惠書敬審道履安勝爲慰承寄米書近刻石墨領到謝謝宋四家遺墨當日人爭寶重南渡後幾於尺幅兼金米書流傳較多偽迹亦至夥清芬閣帖集至數十百冊而僞者居大半生平見米書真迹以向太后輓詞小楷爲



第一係齊梅麓舊臧今在長沙黃荷汀家墨刻亮必見過  
有新舊二刻新則徐紫珊屬胡衣谷刻也尊臧西嶽華山  
碑久已烜赫照世何不精摹重刻爲墨林增一劇迹卽爲  
分書樹一元鐙俾學者藉以取法有功藝苑匪淺也

契闊經年雖魚牋互通未足解其勞結一昨奉到手書展  
誦之餘伏審公餘著述與日俱新幸甚幸甚弟體弱畏寒  
近屆隆冬擁鑪瑟縮不復窺戶外一步所幸牕前花木室  
內圖書座繞清香壁多古迹靜觀自樂聊代臥遊此亦竊  
取公家少文先生意也惟精力日衰學益荒落崦嶼景迫  
兩鬢軒尺牘

卷五

望

成就毫無每一念及輒興老大之傷耳清卿昨日抵家執  
事但見其奏議有體有要不知其三載秦涼輶車所至於  
振拔單寒之外搜羅金石旣富且精直欲哭過燕翁尤爲  
難得可喜也拙著已梓印者三十餘卷因乏便尙未寄正  
燕翁後人不能繼家學漸成衰替尊臧祕碣渴欲一見明  
春有專使之便能密寄一觀決不轉示一人卽交來友帶  
轉如何

又

前奉還示謹悉蒙假華山碑留觀五日愛玩不忍暫離正  
與古人三宿碑下同意杜門息慮臨摹一過惜腕弱不能



脫此凡骨爲愧耳謹藉薊艇返湖之便託其帶繳承命作  
跋已附書數語未免有汚名蹟皇恐皇恐阮文達公援正  
翁氏摹本文文蓀文字作大之譌各家題識均未論及特  
爲拈出備他日泐石取證亦論世知人之一助也統希是  
正昔年曾據張芑堂雙鈞本鈐版得尊本詳校雖神韻未  
具而間架結構尙不離譜附奉鑒賞不盡之言疏於另紙

兩鼻軒尺牘

卷五

望



具而間架結構尙不離譜附奉鑒賞不盡之言疏於另紙  
五昔年曾據張芑堂雙鈞本鈐版得尊本詳校雖神韻未  
具而間架結構尙不離譜附奉鑒賞不盡之言疏於另紙  
翁氏摹本文文蓀文字作大之譌各家題識均未論及特  
爲拈出備他日泐石取證亦論世知人之一助也統希是  
正昔年曾據張芑堂雙鈞本鈐版得尊本詳校雖神韻未  
具而間架結構尙不離譜附奉鑒賞不盡之言疏於另紙



兩疊軒尺牘卷六堂團聚前母合論之樂百味出羨  
舊五兩漆手書如審歡氣氣歸安吳雲愉庭著

周縵雲侍御

學濟

昨由文報局交到九月十二日手書展誦之餘知九月初  
間託李筱石二尹帶去寸牋附有楹聯集帖兩本拙書條  
幅四幀均未達到不識近日已徹覽否念念弟到山逾月  
因蕉林赴江北勾當公事得仍寓三退樓中江山風月一  
任婆婆誦杜少陵眼前無俗物多病也身輕之句未嘗不  
悠然自得也惟浩劫未消家山淪陷每一念及又不免如  
王粲登樓有思鄉隕涕之感我二人雖睽千里相印一心  
兩疊軒尺牘

卷六

一

身世飄蓬當亦同此慨喟猶憶兄當年按試粵西途次有  
句云時清邊塞無烽火細雨重陽緩度關郵書屬弟寫崑  
崙攬轡圖當日盛平景象曾幾何時而滄海桑田一變至  
此迴首前塵渺如隔世陶公不云乎寓形宇內復幾時曷  
不委心任去留三復斯言真可萬慮皆空一切放下又何  
必味去本來面目自尋魔障哉近作數首錄呈省覽詩雖  
不工聊以見志幸教之不宣日手書氣韻之繪映此日

又

學濟

新正兩奉手書欣審道履康勝小雲世講於客臘廿三日  
安抵皖江想見一堂團聚伯母含飴之樂可知也羨慰無



量揆帥密保時賢老兄高預其選聞之歡躍此日薦舉一途比比皆是無足爲兄喜而所以喜不自己者以出自揆帥之門耳揆帥任天下之重功益高而心益下不特時帥中無可比論卽求之古大臣亦罕其匹鄧君章有言天生俊士以爲民也如兄之早掇巍科才兼體用正當出其抱負匡濟時艱此固揆帥之知入亦由兄之蘊於中者有以結揆帥之知也顏淵雖篤學得夫子而名益彰能不爲兄額慶耶蒙示揆帥屢次齒及鄙人昨見拙作謂從前於郭雨三先生處卽知賤名三復來函不勝慙悚夫人稍讀詩書粗具知識未有不好名者名爲大賢所知古人且聞而兩疊軒尺牘

卷六

二

自喜况嚮昧如弟而又在廢棄時哉至承教以出處之際不必固執致蹈褊衷此兄摯愛意在揚不然之灰耳而弟

自知賦命至薄平生謹守繩尺乃謗毀之來每出於匪夷

所思昔歐陽公至於白首而詘不已卒無所污弟何人斯

敢援以自解間常平心自勘總由性直忤時遭讒獲咎皆

歸自取唯有痛自懺悔或可收之桑榆比自庚申以後患

難風波憂畏成疾至今日正如田光先生所云其精已銷

亡矣只合一編在手了此餘年前書所陳蓋不敢昧於己

量也並非矯飾韓子曰賢不肖存乎己禍福貴賤存乎天

名聲之善惡存乎人存乎己者吾將勉之弟今者亦唯以



存乎己者刻勵自勉以副兄之望至於披艱掃穢平滌九  
區佐中興之盛業立不朽之奇功則弟之望於兄者亦燕  
香虔祝者也行藏雖殊各宜自愛伏維鑒察不宣

裕集又四宰奉命奈何只湖湖太守又教習士只湖湖

前奉手教附來丁中丞錢子密三信已一一妥寄曾有數  
行奉報未知達覽否小雲姪過蘇云兄有滬土之遊不識  
盤桓幾日洋味比之淮水如何一笑小雲有投筆之志蓋  
急欲捧檄博堂上歡不爲無見在此祇留一日云先到邗  
上見何廉舫後卽赴節署其意欲廉舫與弟二人爲之倡  
并爲糾合作集腋計弟已許其力助且待其見廉舫後信

兩龔軒尺牘

卷六

三

來如何此等事亦不可使之視爲容易也敏齋信附去渠  
頗有振興水利之意屢承過訪弟告以浙西與蘇松同原  
共委必得通力合作尤在任用得人勿存敷衍塞責心方  
有實際現委吳大令恆赴浙省詢商辦法不知吾鄉當道  
意見如何刻下蠶事將興向停工役昨聞錢漉等處方欲  
挑濬以數里路河道經費聞不過給發一二十串實做數  
衍塞責四字奈何奈何兄晤楊太守及沈菁士兄能勸俟  
至秋冬之交通籌全局寬備經費然後動工爲一勞永逸  
之計此吾鄉農田命脉所關尙望兄於各當道處剴論之  
至禱至禱金陵書局想常通信張嘯兄處史漢已印成否



其精印者固望之甚切卽尋常披讀者亦須惠我弟

已備胡刻通鑑為報兄聞之定亦欣然也弟

心當又弟

去冬曾有復書由信局遞呈嗣得臘月十九日手教未蒙

齒及未識前函達到否深以為念小雲世講於何日抵家

悼亡之感情不能禁尙能仰體重闈之意不致過於悲傷

否尤切悒系書局通鑑已經告成特為吾兄刷印一部配

以漢小銅鼓為兄補壽記得兄昔年按試粵西書來云歸

裝攜有小銅鼓弟自留弟一備贈弟者差旋泊舟漢口鹽

艘失火舟亦被殃兩鼓均為六丁取去此三十年前事也

兩鼻軒尺牘

卷六

四

今弟購有重出者不可不分贈兄也俟有便舟寄上或留

待面交至書局價目弟不甚悉須問辰田諸君也局中經

費艱難之說由於當道不善處置之故江蘇局面果能肇

畫得宜務持大體區區書局之資固太倉弟粟也弟去冬

忽奉左季帥劄子委辦甘肅捐務局設金陵會同江藩司

辦理等因廢棄之材見收匠氏不無知己之感惟弟伏處

十年踈懶已慣不必誓告先墓而出處之計固已久決於

心當卽繳劄力辭措詞極為委婉陶齋恐我掉頭不顧開

罪鉅公此禰正平劉孔和之所為非所擬於鄙人況左公

賢者亦非黃高輩比也承示春間作林屋石洞之遊此誠



勝地大約三月間最爲相宜由洞庭至光福山登鄧尉更有妙境莫妙於司徒廟清奇古怪四柏樹真不可不看去年弟與緣仲諸君冒雨往訪曾書一對以應寺僧之請句云清奇古怪畫難狀風火雷霆劫不磨中有一樹曾遭雷劈而劈處枝榦更蔥茂真是奇絕兄聞之當亦神往子密信當日卽爲遞去舫老於十八交卸十五有引疾之稟兩院均繳還原稟慰留甚摯現在尙未銷假當此名場極順之時忽思急流湧退洵有真智慧也敏老今日赴甯香巖興會尙好頗思出遊聞菱湖正月起十八日止有勝會甚熱鬧確否

兩疊軒尺牘

卷六

五

雜會又蘇開筆香

聞台從赴杭不知何日言旋念念前得宗湘文公祖書知吾郡淩港現議重開並云鍾六英學士將弟所議六條入

告聞當道以稟嶽留甚摯更查尙未竣對當此等艱難

廷寄有草率了事四字頗怪弟多言查已巳年所開止擇

數直港中工程之至少而至易辦者畧加挑挖深不過尺許費不過萬串其淤塞處均未履勘若因經費未充不能同時並舉原不妨逐年分辦作得寸則寸之計乃承辦之人不顧大局不明利害矣思褒獎遽報一律開竣當道不察遂亦以開竣覆奏弟以爲不報開竣尙有重開之望今



既奏明一律開竣且請獎敘則非閱數十年斷不能遽議  
重開弟因關桑梓休戚目擊情形實有不忍漠視者不圖  
六英遽以弟言入告也聞當道奉保勸甚誠甚

旨後於此事極爲鄭重湘翁書來云與吾兄及同鄉諸公  
會商擬合碧浪湖橫湖直港大治之果爾則弟雖受多言  
之咎亦何所恤惟望吾兄力贊成之漵港淤淺大抵都在  
郡城東北距城益遠淤淺益甚恐履勘未必能徧必得周  
知水道者相助爲理庶於事有濟而各漵董事見不出跬  
步又惡勞喜逸絕少結實可靠之人城董可靠又未必肯  
常駐鄉間此事悉實費當道躊躇貴及門徐小豁孝廉喬  
兩靈軒尺牘

卷六

六

梓頗精水學家居漵上熟諳情形又好行善事倘當道見  
訪吾兄可舉薦之惟小豁讀書不預外事恐亦只能備顧  
問未必肯出任奔走之事也聞沈協軒在家其人年壯能  
耐勞苦且新經歷折倘節取其長似亦在可用之列昔年  
江浙減賦之舉發端於鄙人其時馮林一宮允在李相幕  
府力贊成之舉七百年之積困一旦甦豁水利爲農田之  
本今當道旣有意大治吾兄又爲當道所敬服惟望效林  
一之贊成減賦爲梓鄉造無窮之利禱甚禱甚

重開又因關桑梓休戚目擊情形實有不忍漠視者不圖  
一昨辱手答知讀禮之餘不以鄙言爲河漢強抑哀思聞



之稍釋念忱承詢喪服各條大抵先王制禮必準情酌理  
而出之不使太過亦不使不及後世禮節繁重每遇喪禮  
大事多致紛紛聚訟雖名臣大儒文章蓋世之才亦各偏  
執一見卒無一定之規昭垂來世吾輩居家舉動爲鄉里  
矜式自不能不格外慎重儀禮禮記諸經家家都讀而  
本朝禮制詳載會典及通禮二書會典卷繁不及寄特檢  
通禮一冊寄上以備緝查擇要摘出遇便寄還此外垂問  
家常服用各層謹條對另紙伏祈酌用茲乘存齋世好旋  
湖之便謹呈祭幃輓聯各一奠敬一函敬代芻束伏乞告  
存爲幸

兩鬢軒尺牘

卷六

七

又

弟近服自製丸方大便尙無艱苦終月杜門惟以筆墨爲  
消遣現撰周無專鼎釋文一篇頗有發前人所未發攻無  
之爲姓有舜時無擇見莊子讓王篇張未未以魯無駭爲  
證似無駭卒後賜姓展氏此無駭疑是雙名又正字通無  
字註云無姓漢有無且明無能此二人弟未知之漢書浩  
繁無從檢查因記岷帆弟當日曾著有漢書人名攷不知  
此書存否向兄言及今已忘卻不識有此人否乞爲查示  
此外有無無姓之人見於經史者並懇示及

又

又



前奉手翰謹悉所諭家鄉士子寒素居多孝廉計偕每有告貸無門遂至裹足秋試亦有以無資廢然者現與同人籌議在吾郡絲捐善後二成一欸餘存省局項內請撥二萬元發典生息以一萬息錢爲會試公車費人給五十洋以一萬息錢作爲鄉試賓興人給十洋云云此真盛舉姑無論本有存欸可撥卽無存項亦當設法勸辦以期必成往年婁東紳士以賓興無資寒素無力應試每至廢讀呈請籌欸

三兒

以婁東地方苦瘠絕少殷富無從集捐不得

已議定案漕提欸以十二年爲度悉由官捐不派地方分文今已行之五年上兩屆孝廉計偕及秋試之費卽在此

兩疊軒尺牘

卷六

八

中提取合計息錢春闈人給五十千文秋試人給十千文通稟立石定案去年他屬有稟請援案辦理者今吾鄉以地方所捐之欸辦地方義舉當道倘有異議我數人惟有堅持定力志在必成存齋已經旋里現在仲復回家省墓想必晤談定議也承示脾泄之患服藕粉代點米仁代茶而癒聞之大慰近日鑿生甚庸服其藥每每受苦弟咳嗽自去冬至今尙未霍然不敢輕易服藥恐爲庸鑿所誤也

又

一昨奉到還章發函頌頌不覺淚之盈睫也昔王夷甫謂陶公曰賢子越騎云沒天下盡爲公痛況在慈父可見古



人遇此等事悲思鬱結無論聖賢豪傑亦有不能驟解者  
爲今計必得於無可排遣之中勉強排遣之法無已其惟  
俟詠華弟迎柩歸來經紀猶完早日買棹出遊乎歲月易  
邁混過數月哀痛漸減久之自會消釋否則家庭悶坐終  
日咄咄試問七十之年尙有幾多老淚爲死者灑耶魏舒  
所謂無益自損者不可不引以爲戒也吳門舊雨咸盼兄  
來幸早命駕禱切禱切承詢商爲小雲世講分計領帖應  
否舉行考禮經有爲長子稽顙之文所以重正體也今世  
講服官有年娶妻生子領帖一日斷在必行無可猶豫者  
春寒尙甚千萬調護自愛臨書依切不盡

兩疊軒尺牘

卷六

九



與絲業同鄉

吾湖每逢開科合郡應試士子幾有千人之多內中以館爲生者殆居其半省城兵亂以後貢院左右房屋甚少間有可賃者租價極貴寒士考費無出有因之輟考者情殊可憫聞嘉興府屬現在集資萬金在省城貢院附近購地造屋爲嘉屬士子考廡其辦法另有說帖特附寄省覽吾湖宜亟仿行惟兩府情形有不同嘉興集資分七邑公攤吾湖如安武孝各縣萬不能派不如就南潯菱湖雙林數鄉鎮絲業中酌提較爲簡捷可靠謹特專函奉商此爲接濟同鄉無力應試者起見在絲業所出甚微而寒士受惠

兩暑軒尺牘

卷六

十

匪淺諸君向有好善之心成此義舉將來子弟應試定必綿綿科第食報無窮如果意見相同望卽示復當亟達瀟香郡尊及總辦吾鄉釐捐之宗湘文太守暨縵雲諸君安議規條以垂久遠倘諸位能親至省城未行則經營筆畫得有提綱挈領之人尤爲大妙至買地等事或須省中巨紳招呼屆時弟當專函致託可耳不宣賦貢詞謝並觀賦再此等善舉倘出自當道勸辦則合郡爲之減色矣同鄉諸親友處不能徧及均此致意又行詞於古風甚也聞

與絲業同鄉



婁東陸存齋觀察

心源

一閱

合

悲

固

往者辱賜書錄錄稽於裁報幸勿爲過家鄉水利待治久矣前月纓老過蘇亦曾論及此我鄉農田命脈所關足下蘊負宏遠定亦注意於此士大夫居鄉凡有地方善舉盡一分心則造一分福前得敝族中來書謂春間疏濬溲港其深通處可從緩挑者現在築壩加挑淺處必不可不挑者轉置不辦其所以專辦較深處者取經費省耳草率至此安望實惠及民雲 僦寓吳門衰病侵尋老矣無能爲也足下年力正富識畧超卓尙望於當道前劉陳利弊倘能任用得人實事求是成久遠之功貽數世之利豈不美哉

兩疊軒尺牘

卷六

十一

豈不美哉纓老吾省之鄉祭酒也盍與商之吾湖善後局中綜其事者沈菁翁鈕壬翁之外尙有何人想無不以桑梓疾苦爲慮鄙人盲瞽之見亮諸君亦早計及此也姚少垣世兄人頗樸誠茲挾名書畫多種到城法家鑒之當亦心目爲快

一

又

一

一

一

一

一

一

一

一

一

別後久未通書遙祝籌勳林箸動與吉會幸甚幸甚弟衰病杜門伏案之外惟養花飼鶴爲消遣之計夏初得一曾孫長成可喜交秋後則不如意事常八九又生煩惱曾作婁東之游讀東坡水調詞頭一闕離合悲歡固應勘破也



閩中山川雄壯足下公務之餘有無新箸便中望示悉爲  
盼拙箸彝器圖釋雖已付梓尙須修訂因老友陳壽卿索  
觀校本遂先刷印數部曾記足下譚及現修郡志金石一  
門應有採錄自文駕赴閩之後此道少可與談者夏間曾  
以一部交小豁帶去聞志局中專校金石一門者爲丁君  
弟未識其人丁氏向多樸學之士是否小雅先生後人吾  
郡本多墨妙遺跡屢經兵火幾於蕩焉泯焉此時存於世  
者亟宜勤加博訪期免遺珠之憾拙箸乃敝帚自享本不  
敢與古人抗衡然海內著名之品其文字有裨經史之學  
者頗亦不乏合揚州阮氏嘉興張氏山東劉氏各家精華  
兩疊軒尺牘

卷六

七

蒼萃其中似亦藝林中的一偉觀也茲特奉寄一部伏乞直  
筆削正此書尙非定本也閩中有文字之交否有鹽大使  
魏稼生其人者古入骨髓曾晤及否

前月奉手翰具悉就審道履清勝侍庭納福

國恩家慶萃於一門羨賀羨賀弟鍵關養拙垂暮光陰盡  
消磨於故紙堆中所惜崦嵫已迫無所成就時切疚心耳  
承示斗檢封篆文作古錢爲職四字愚意竊以爲未安案  
錢說文鈔也古田器从金戔聲詩周頌序乃錢鑄毛傳亦  
訓鈔疏引世本云垂作鈔宋仲子註云鈔刈也然則鈔爲



田中刈器錢實同之借錢爲泉雖古載籍及漢碑中間有之而泉文則仍從古如新莽之大泉貨泉各品及三國六朝至於唐宋載在志譜彰彰可攷者皆作泉不作錢也元明以來字多從俗不足深論已且鼓鑄三字連文爲義今去鑄字而曰鼓錢爲職於文理亦殊欠順徹處所收斗檢封不止一器其作鼓錢爲職篆文明顯與獲古編所錄同出陝人譌舛也學問之道惟推勘乃能發明亦惟辨析始見真諦足下淹通羣籍學識兼超如有所見尙望直筆見示幸甚幸甚椽孫蒙識拔得以署篆聞之喜甚

兩壘軒尺牘

卷六

三

昨承惠借宋刊夷堅志此夢想數十年今始得見大慰平生晨起草草繙讀知榮旋在卽不敢久留謹專人繳上希卽察收此書雖涉語怪然中間隱寓勸懲足垂警誡況出名賢手筆爲自來小說中第一烜赫有名之作足下廣搜祕籍遠紹舊聞亟宜授之梓人以公同好坊間所傳之本舛譌錯亂得此書一出正之豈非墨林大快事哉鄙人老矣亟願觀其成也再坊本流傳似亦別有所據卽如甲志卷一黑風大王一篇中有紹興間陷虜坊本改陷虜爲歸北此諱忌之筆必出後人竄改然則此書在南渡時卽有翻刻無疑矣於此益見原刊之可貴也物聚所好如是他



日刊成務乞先寄應書封面望示式樣謹繕以報  
又半論雅樸柴而又不吝重資買紙供亦數地新  
前日奉十月廿八日手書並近刻金山先生尙書注六  
冊海藏老人陰證畧例一冊一一領悉敬謝敬謝承示擬  
刊十萬卷樓叢書一百本現在剞劂葺工已有四十本先  
行刷印俟十萬樓叢書全竣後再刊而宋樓叢書一百本  
先將草目寄閱屬撰十萬卷樓叢書弁言一篇循誦至再  
頗使垂暮之年精神爲之一壯名山祕籍決爲必傳得挂  
賤名附垂不朽敢不力圖振奮刻日攄豪一俟撰就卽當  
寄請是正我湖自康熙以來代有傳人遠不具論近數十

兩疊軒尺牘

卷六

古

年中論聞見之博著述之富自應首推嚴氏鐵橋此外諸  
老或經學詞章或訓詁箋釋或算法輿地亦能各務專精  
潛心樸學然寒儒伏處蓬門空山偃蹇身不出里衢足不  
履朝市旣無名山巨川以發其胸中鬱勃之氣又無奇才  
豪俠之士相與上下其議論所見未廣而又囿於境地雖  
同列文苑視鐵老瞠乎後矣獨執事蚤歲蜚聲公卿側席  
監司久任遭際正隆小有怫忤翩然初服鍵戶著書絕意  
不出兵燹以後凡故家遺集宋元精刊遠紹旁搜不遺餘  
力故大半歸於鄴架而又不吝重資廣爲刊布遂使海內  
綴學之士莫不知有吳興十萬卷樓方之范氏天一毛氏



汲古真堪鼎峙吾鄉故多學者而就目前言之決其必傳者亦止執事與蔭老爲可信耳所論現編吳興金石存屬將敝處勒石各種墨本開送並云吳興向多古甄亦應編入惟金器流轉無定故不采錄尊意蓋恐魚目相混贗鼎貽譏耳愚見書名金石又係專刻似金器祇須慎選不必擯去但必擇其流傳有緒確可徵信如仲復處虢未大林鐘得於張氏清儀閣縵老處周敦得於蔡友石家尊處新得之卣爲曹氏懷米山房故物至敝臧各彝器內爲阮文達所臧者已編入

皇清經解其爲張未臧者亦屢入名人箸錄今編某府兩疊軒尺牘

卷六

五

縣金石而遺漏不載恐海內金石家見之未免生誅惟增此一門成書又須延時日蓋摹刻鼎鐘文字不能草草所望尙須裁定耳

又

前奉七月十四日手書並校定三續疑年錄二部早經領悉敬謝敬謝其時正爲二豎所困未及裁答承示安邑志書將成舊有董斯張吳興備志儲臧徵一門擬宗其意將吾兩家所臧金石碑帖書畫宋元刊本古塼收入列爲二卷彝器與古塼兼載其文書畫但列其目甚善甚善鄙意敝臧之吉金與尊臧之塼文一則萃彝器之大觀一則備



吳興之掌故宋元秘籍凡經重刻亦必列入以裨來學至於書畫碑帖吾二家收臧甚夥恐太煩冗應將前賢法書分別已否勒石已勒石者錄未勒石者不錄古碑帖亦如之書版注明臧某處碑石同如此仍可歸入金石藝文兩門至古畫或有關掌故者間錄之此外雖宋元精品亦不便入以合志書體裁先以奉商如尊意謂然卽祈示遵以便將所臧各種繕單呈鑒也

又

月前辱承損書并惠示大箸千甃亭磚錄亟取披讀心服傾倒匪言可喻古塼舊鈔箸錄詩小雅斯千傳瓦紡塼也

兩疊軒尺牘

卷六

六

說文瓦土器已燒之總名段注土器未燒爲之坯已燒爲之瓦紡塼瓦之一也古未聞有文字晉陳緝之東陽記載獨公山臨溪古冢其塼有筮言吉十二字見御覽冢墓門其書不傳趙宋以後間有見諸箸錄者類皆拾殘綴闕不得謂專書

國朝昌明正學名儒輩出嘉道間阮文達公以當代龍門爲文章司命歎歷中外五十餘年巡撫我浙建誥經精舍當日知名之士咸萃於幕下經術之外及於金石文字天右斯文地不愛寶鼎鐘彝器豐碑古碣所產於郡國山川者日出不窮學者據其遺文詮注攷釋以發明經義糾正



史事論者謂金石之學至是斯稱大備文達嘗得漢五鳳諸磚謂以年紀器石勒工名其字可觀隸分之變其詔可補志乘之遺因以八磚分題課士於是耆古之士益知貴重競起搜訪互相矜尙然當日收臧家號稱至富者積數亦未聞有滿百去年就養婁東太倉陸星農殿撰以所藏百磚硯數巨冊屬爲弁言觀其收臧之夥抉擇之精歎爲罕過前人得未曾有其時間吾郡繞郭諸山出古磚甚多好事者爭相購致從者親往物色搜羅特夥今讀大箸千璧亭磚錄不意所得於兩年中者竟五倍於星翁又於數月之間整齊排比編輯成書紀其緣起詳其出處攷釋其兩壘軒尺牘

卷六

七

文字語無鑿空事必徵實此人竭數十年心力皓首而未成者足下以旦夕間成之良由學識素裕精力又足以副之未及服官政之年而著述之梓行於世者已高可隱身積以歲月將與毛西河諸老並駕藝林豈僅壓倒嚴鐵老已哉屈指鄉黨傳人道咸以來足下當推首出屬在世好語出由中決不敢以泛詞貢諛也抑有商者磚輒二字段氏以許書未收遂指爲俗字愚意土器已燒謂之瓦紡磚瓦之一也从土从瓦合於六書形聲會意之旨

國初陳見桃作毛詩稽古編惠定宇至爲推重阮文達謂其體正以說文志在復古蒙嘗讀之其於磚壹之磚皆作



博而於紡博之博則從瓦可知从土从瓦合於古義玉篇  
廣韻諸書所以並收不得與从石之磚同以俗字抹之曩  
曾以此質諸星翁不識尊意以爲如何承示現擬仿張月  
霄臧書志例成臧書志一百二十卷來春卽可授梓聞之  
令人神王蒙年逾七十老至耄及萬事胥忘所未能忽然  
者唯此翰墨結習耳指日剗劂告歲務必先行賜讀至禱  
至禱

兩畧軒尺牘

卷六

六

至禱

齊東野語墨韻晉耳日博圖書蕙然必失音韻至禱  
令人神王蒙年逾七十老至耄及萬事胥忘所未能忽然  
霄臧書志例成臧書志一百二十卷來春卽可授梓聞之  
曾以此質諸星翁不識尊意以爲如何承示現擬仿張月  
霄臧書志例成臧書志一百二十卷來春卽可授梓聞之  
曾以此質諸星翁不識尊意以爲如何承示現擬仿張月  
霄臧書志例成臧書志一百二十卷來春卽可授梓聞之



昨談蔣薊泉方伯有疏濬湖屬各澗港之議此於農田水利大有關係誠善後事內第一急務也按湖州百川叢錯要以苕雪二溪爲綜貫其源發於天目山其支流分注各澗港以入太湖每遇北風波濤洶湧湖水挾沙倒灌水退沙停易於淤塞舊制各澗港皆有斗門門有腫板視水勢之大小以時啟閉旱潦俱有所宣蓄法至善也兵亂以後全行毀廢兄去冬回家掃墓由南潯經陸家漾顧家蕩以至錢澗迤東至邱家堡所過之處凡有支河汊港無不淤淺兼之菱葦彌望雖港面有十數丈之寬而中間僅可容兩轡軒尺牘

芻若不趕緊剷除循故道而疏濬之轉瞬春水將生一遇霖雨山水灌注水無宣洩之路必致汎濫橫溢其爲農田之害不可勝言薊泉方伯德澤之在吾浙者甚大今旣欲興此盛舉還望吾弟寓書贊成早辦一年生民早受一年之福想吾弟同關梓誼定必切寔轉陳臨穎翹切不盡再前書繕就未發不盡之言重爲吾弟陳之去年霖雨未及兼旬農田已被淹不少向交冬令水勢必涸而刻下瀕河圩畝水不沒者僅尺許甚則已有淹在水中者底水不消寔由洩水不暢也設遇勃戾肆虐不但秋收失望必致家室田廬盡成澤國此水利之不可不講至亟亟也查湖



郡諸水固以太湖爲瀦蓄而太湖之水則以入海爲尾閘  
杭嘉湖蘇松繡壤綺錯經聯絡貫必得合江浙兩省上下  
流一律疏治而後水患可平昨蘇松太道應敏齋觀察來  
晤與之細談敏齋亦講求經濟留心民瘼者慨然任之擬  
歸去卽行詳辦倘得交相爲功則有裨於農田水利者洵  
非淺鮮並望吾弟采擇而轉告之

又

疊奉六七兩月內三次所發手書知前肅數函均澈清聽  
比者秋氣漸深寒煥不時未審眠食何似伏維萬福  
伏如恒匙善可述幸自老母以次均多平順堪慰厘注

兩疊軒尺牘

卷六

三

兒現赴秋闈頭場題目甚爲結實初出觀場工夫尙淺場  
作雖無大疵離中字恐尙遠今年副主考張香濤先生閱  
通淵雅時望所歸二三場必講究將來闈墨必可觀也

兒考簾題爲有教無類兩章中堂喜其熟於史事大爲激  
賞不可謂非文字緣也捻蹤颺忽勤辦迄未得手轉受挫  
衄雖曰劫運未終恐人事亦有所未盡也昔東漢羌寇益  
州龐參等屢戰不利虞詡謂任尙曰使君屯兵踰二十萬  
兵法弱不攻強走不逐飛自然之勢也今賊皆騎日行數  
百里來如風雨去若絕弦以步追之勢不相及所以曠日  
無功莫若汰其冗弱廣購馬匹舍甲冑馳輕兵尾追掩截



其道自窮尚用其計克奏大捷宋李綱謂金人以鐵騎勝中國非車戰之法不足以勝之其說有三步兵不足以當其馳突用車則馳突可禦一也中國騎兵馬不如敵用車則騎兵在後度便出戰二也士卒多怯見敵輒潰雖有長伎不得而施用車則人有依可施其力部伍有束不得而逃三也其時獻車製者甚衆大抵昔尚弓弩今仗砲火造車之法不必泥古宜虚心博訪令久列戎行而胸有韜畧之人各抒所見講求盡善務使轉圜進退應變無窮行則鱗次以爲陣止則鉤聯以爲營不必開溝築壘到處有屹然之勢兵法先爲不可勝以待敵之可勝揜逆起事多年兩轡軒尺牘

卷六

三

擾及數省曾不能割據險要分守城邑狼奔豕突徒事劫掠其無能爲已可概見然其中豈無一二黠者且多百戰劇賊東竄西擾去來飄忽安知不用吳人疲楚之計使我應接不暇似不可不急籌變計也今賊飽掠三府輜重纍纍正犯兵家所忌此次虜集登萊賊數多寡衆所共知動云數十萬乃啗喝之詞耳我軍數倍於賊果能將士用命盡力兜截正可收掃蕩之功無如鋼疾已深仍恐見賊先奔耳比因軍務傳聞令人憤懣三杯耳熱忽發狂言吾弟抱負宏遠蒿目時艱當亦時深扼腕都中得雨後麥子聞可補種梟匪已撲滅否南中惟浙東歉收此外秋成可望



中稔米價日賤而元氣難望驟復者釐捐困之也此事目前亦没法想奈何

前接五月廿三日手教讀悉種種時有邗上之行致稽裁

報幸弗爲過詳釋來諭知讀書有得不爲堅白同異之辨

獨參知白守黑之旨

來書有宦途分紅黑二字

此由識解本超而又濟

之以學養深之以閱歷故能浩浩落落富貴浮雲吾儒有自得之一境固非居常咄咄輩所能其喻也然豐城之劍

其光芒終不能久掩

聖主賢臣之頌遭際自有遲速耳謹拭目俟之西捻蕩平

兩粵軒尺牘

卷六

五

普天同慶此後漕運舊制其他善後各事想當局必次第

籌辦吾弟奏議皆經世宏文其密疏定必焚草不敢請觀

其發邸抄者間有讀過未能牢記欲求彙錄一分見寄人

生不必論出處之窮通但得身滅而名不滅斯爲不負此

生方今中原甫靖回逆未平應言之事正多吾弟何寂寂

也茲乘汪小樵封翁入都之便草草布復諸維珍愛不盡

芻庭太僕來奉手書並蒙以去夏先母大故厚賻遠頌謹

領告登感繼以泣每於邸報中得讀吾弟奏議經世宏謨

可大可久敬服無已往年與吾弟論蘇松嘉湖水利後王



補帆方伯過蘇殷殷下問曾疏大畧覆之補翁調粵遂不  
得勁江浙官紳於此事非不思辦所以因循未行者一由  
於經費之難籌一由於情形之未熟七八兩年湖州開濬  
漕港一味敷衍草率實不成事茲友人重濬漕港條議  
其中頗有可采寄呈省督此但指三十六漕而言若欲上  
從天目溯源下至海口竟委循其故道蕩滌滯淤必使血  
脈貫通水無逆防此數世之利非合兩省之力不爲功昔  
吳越錢氏設撩淺軍專治田事以都水使主之至爲鄭重  
故享國百年水災罕見今縱不能復古而歲修之法實不  
可闕我

兩魯軒尺牘

卷六

三

朝各府縣設有水利同通縣丞主簿等官久已視爲具文  
試詢以地方水利轉詫爲怪異積習相沿無足深責誠能  
於疏濬之後嚴飭專管水利官員各就所轄境內將河道  
通塞情形按月稟報再由大吏於春秋二季委員覆查示  
以懲勸此水利之善後只須申明舊制實亦久遠之圖也  
吾弟其留意及之茲因摺弁之便草此鳴謝藉布區區統  
維心印不宣

條議已欽奉

頒發載入志乘不錄

又



久不通書正切懷想一昨接到本月十四日手翰發函申  
紙如獲面談就審道履綏和鄉間小住尤多逸興二世講  
天資馴謹此第一可喜之事蓋世家子弟質地稍優每每  
習於奢侈流入澆薄其長厚馴謹者縱不能顯揚發達體  
用兼賅亦不失爲保家之子故聞二世講質地馴良實爲  
吾弟喜慶至讀書之進益自有步驟不必十分求速也吾  
弟自知卞急往往有忿怒過當云云此卽吾弟學養有得  
處人誰無過特患過而不自知耳兄今年六十五歲矣於  
奴僕輩常因拂意甚至出口痛詈詈尙未畢心已大悔轉  
欲想法敷衍他每又自怨有話何不緩言曉諭必欲如此  
兩疊軒尺牘

卷六

書

生氣痛自刻責終不盡改兄正苦變化氣質之難吾弟下  
問及此適觸隱疚方切愧悚其何以裨吾弟耶惟有勉自  
策勵各蘄保此晚節而已兄自七月中旬小患感冒並不  
甚重乃咳嗽多痰胃納減少精神至今尙未復元蒲柳早  
凋一經風露便不能支絨翁之謂兄精力健者因鄭盒月  
必有書劄往還無非爲金石攷證間亦有索及書畫者郵  
筒裁報必出親書從無假手於人彼見兄字蹟澤潤終不  
信病體至於此也兄書之書益出末子筆寶此

前接客冬所發台諭知紹京兩處信件均已如期送到一



昨又奉續示欣審崇勳楙績與日俱新雲素體惡寒開春至今鍵關養拙無以遣懷竊不自揆欲以尺寸之縵妄思汲古而心儀往哲欲從末由歲月不居忽忽已逾七十之年矣方以老至耄及學業荒蕪未能仰副吾弟期望正滋悚惕來諭欲將雲先後奉致之書擇其中不談時政者裝潢成帙傳之子姓使知吾二人交誼之深聞之且幸且愧古人於文章道義之交聲氣應求之倡或並世而未能覲面或異代而雅有同心每每繪成圖畫以當晤言達之書辭聊申綵繾惟雲謏陋非可比倫而吾弟深情實與古合轍也往年伯寅尙書來書云將鄙人惡剗裝成兩巨冊使兩壘軒尺牘

卷六

五

琉璃廠多一有名遺跡語甚涉趣情雲不稱耳愛人者及其屋上之烏兩君子之謂歟今春幸舊疾不發現將庚申至今二十年中覆瓿之作次第清理中間金石攷證書畫題跋較多尺牘有關政事文學者間亦留稿與吾弟四十年異姓兄弟之交往來簡尺奚止數百千通今檢舊篋殘稿所存不及十之一二也書中所論類多亂後政治而於農田水利似尙詳盡開濬淒港一役賴吾弟據實上陳至今歲修不廢獲益匪淺他日排比成書再寄鑒定承示俄事已經就緒此中殆有默佑之者雲謂雖由天意實關人事劫侯爲曾文正之子平日庭訓所貽立身修德不外文



學政事二端劼侯縱能仰承先志克紹箕裘亦不過與范純仁韓忠彥後先濟美而乃於家學之外別擅專門此所謂豪傑之士也當其身入詐虞之國奉命危難之間事已鑄成大錯變且在於須臾而劼侯張弛從心剛柔互用徐化杆格就我範圍惟洞明彼己之情故卒收轉圜之效錯節盤根斯別利器恐虞升卿處此亦拜下風遑論餘子國家深仁厚澤涵濡二百餘年當此時事艱難必有英偉奇特之才起而爲中流砥柱黼黻

皇猷方今後起人材雲伏處山林見聞狹隘就所知者首

推劼侯而家清卿實爲一時瑜亮二君年力正壯其設施兩鼻軒尺牘

卷六

美

已如此將來所造當於古人中求之並世恐少倫比也吾弟博極羣書精於衡鑒所識年少俊材或有可與二君頡頏者幸示及之

國宋賢公具蒙深鑒二百餘年當此艱事艱難必有英偉  
清盤琳瀾佩器器既烈其輒效此衣其可風鼓論籍年  
計林登遊書讀圖畫思近日之計效卒與轉圖之效  
嚴與大論變且吾於陳史而特對垂厥資小圖乘至相金  
簡案翰之士出當其良人指刺之固奉命試撰之問車日  
歸口辨忠道對表齊美而己於宋學之公限盤再問出假  
學如率二端時對對指所承宋志京師其美衣不忽與對



前奉手翰具悉卽審攝衛攸宜順時諧暢承示都中巨公  
書來索取梁天監并闌石刻詢<sub>弟</sub>有無重出拓本敝處臧  
有兩本一許贈魏稼孫一自留今將兩本全行寄上一由  
尊處寄鄭盒一乞轉寄稼孫惟令兄韻仲處無可分贈殊  
爲抱歉幸并闌原石尙在句容城北城守學署後望屬容  
令先爲物色再雇人備紙墨往揭倘能刷洗乾淨捶搗講  
究則字文比此二本當可清楚此事甚易辦也幸卽爲之  
又

俾來奉手翰並附食物多種對使全登感與并會卽晨伏  
兩疊軒尺牘

卷六

七

維允升吉座榮戟增輝舊部重臨新猷式煥幸甚幸甚江  
南大政不外漕鹽河三端閣下駁歷三十年民之情僞與  
時之利病久已燭照數計洞見癥結駕輕車而就熟路此  
次轉運北上他人竭其才猶恐叢脞者閣下精心所運出  
其餘伎已恢恢乎游刃有餘矣昔賢稱鮮于子駿爲一路  
福星竊願於閣下見之<sub>僕</sub>年逾七十眼前有八孫二曾孫  
推之人理得此已爲厚幸惟崦嵫日迫蒲柳凋零病魔纏  
身驅之不去自七月初二在耦園傾跌之後迄今已及半  
年未曾出大門一步頽唐之狀可想而知幸諸親友憐其  
其老病眞率屈會每每移尊敝齋賴以不廢太素公在八



月間就鑿來蘇下榻聽楓山館初到面目枯悴五日後漸  
能轉腴旬日後精神充溢接見屬僚應酬朋友自朝至於  
日昃毫無倦容太素本真率會舊侶諸老挈榼提壺絡繹  
來會幽賞清言評詩讀畫流連匝月備極文讌之歡瀕行  
執別頗依依不忍舍也開缺一摺適得其時蓴菜秋風同  
此先幾之見亦由宦情本淡始能安之若素也陶齋於侘  
際稿項之時忽遂欣欣向榮之願人生得一知己可以無  
憾陶齋於閣下之謂矣不得以瑣瑣姻婭論之也已促其  
早日啟程據云一俟腳上凍瘡稍愈得良於行即可買棹  
必不過遲也

兩疊軒尺牘

卷六

五

早日啟程據云一俟腳上凍瘡稍愈得良於行即可買棹  
必不過遲也



徐少青太守

震耀

別來兩月馳念實甚在滬時辱以先中丞公事蹟節畧命

課次爲文以備史臣採擇

雲

學識淺劣烏足以承誦逶迤

固辭不獲時正有焦山之行謹臧行篋到山數日又爲兒

子婚娶事赴泰州逗留半月前月杪始得回山山中江風

凜冽寒沍特甚筆凍指僵非就日光不能作字爰殫數日

力成二千餘言其體例畧仿傳式不敢遽以爲傳故標題

曰傳畧伏念中丞公敷歷中外三十餘年經濟學術卓著

於時而大節昭垂尤足爭光日月

雲

舊忝屬僚備蒙知遇

大懼於中丞公生平事蹟闡揚未盡負疚實甚至所示節

兩疊軒尺牘

卷六

三

畧中如按察使任內令承審官反覆究問親提研鞫鹽運

使任內清釐積引戒禁苛索糜費巡撫任內買米海運以

及趕造軍械火器等類皆係分所應辦之事不必備書故

從刪節長沙守城厥功最偉故篇中三見曾張二軍門有

功於吾浙雖皆沒於王事將來國史未必有傳故叙其戰

績稍詳仍歸功於發蹤指示之人俾後之論世者有所攷

鏡焉史家每有不立專傳附見於他人傳中者詳此畧彼

似於謀篇之旨尚無悖也方今老成凋謝可以文字就正

者頗少其人馮林一宮允

雲

所兄事而與中丞公雅有交

誼者也恐篇中去取或有未當執事盍持原來節畧與

雲



所撰者請宮允再加釐正如何

兩鼻軒尺牘

卷六

三



世襲香齋宮允再賦釐正如何



與馮申之比部芳緝培之中翰芳植

前承惠顧齋先公遺集屬爲弁言自維謏劣何敢序先公  
之文顧窺足下之意以鄙人托交三十餘年於先公生平  
學行經濟有比他人知之較稔者故誣諉及之此其意不  
專在文字間也僕雖嘗學其何敢辭謹當撰就報命集稿  
粗已繕讀曾記數年前先公與僕書云現在整理文稿約  
七百篇絕少愜心之作今繹遺文所存未及其半兩疊軒  
彝器圖釋序此必存之文集中亦未見未知現在所輯是  
否先公手定之本所恐刪削過多不免遺珠之憾望賢昆  
玉留意爲禱中間明紀一序先公當日見示初稿與錄本  
兩疊軒尺牘

卷六

三

合後改易數字手書授梓今照刻本代爲改定序拙著古  
官印考內有數字與錄本異亦照刻本改定古印稱紐見  
漢書此刻本所未改者今並改之凡此皆與文義無甚關  
系出入者也惟江蘇滅賦記有出一赫蹏云云必應刪去  
緣此舉先公當日早與僕言之此本題中應有之義實非  
爲赫蹏所迫始議及也經世之文貴在信今傳後一言不  
慎卽貽口實不可不加之意也

又

屬撰顯志堂文集序謹擬稿奉正言雖不文而於先公平  
生節概有他人所不能道序中頗能達之者以其事之久



相知之獨深也抗議四十篇贈炙人口今集中刪節不全  
錄恐滋人議故爲叙明妙在先公將拙書留存不加拉雜  
當時必有深意序中語語從實無一飾詞也像贊遵卽誤  
就一并奉上恰補序文所未及均請釐定之後再行付梓

兩魯軒尺牘

卷六

三



卷一 代奉土命辭文  
卷二 代奉土命辭文  
卷三 代奉土命辭文  
卷四 代奉土命辭文  
卷五 代奉土命辭文  
卷六 代奉土命辭文  
卷七 代奉土命辭文  
卷八 代奉土命辭文  
卷九 代奉土命辭文  
卷十 代奉土命辭文  
卷十一 代奉土命辭文  
卷十二 代奉土命辭文  
卷十三 代奉土命辭文  
卷十四 代奉土命辭文  
卷十五 代奉土命辭文  
卷十六 代奉土命辭文  
卷十七 代奉土命辭文  
卷十八 代奉土命辭文  
卷十九 代奉土命辭文  
卷二十 代奉土命辭文  
卷二十一 代奉土命辭文  
卷二十二 代奉土命辭文  
卷二十三 代奉土命辭文  
卷二十四 代奉土命辭文  
卷二十五 代奉土命辭文  
卷二十六 代奉土命辭文  
卷二十七 代奉土命辭文  
卷二十八 代奉土命辭文  
卷二十九 代奉土命辭文  
卷三十 代奉土命辭文  
卷三十一 代奉土命辭文  
卷三十二 代奉土命辭文  
卷三十三 代奉土命辭文  
卷三十四 代奉土命辭文  
卷三十五 代奉土命辭文  
卷三十六 代奉土命辭文  
卷三十七 代奉土命辭文  
卷三十八 代奉土命辭文  
卷三十九 代奉土命辭文  
卷四十 代奉土命辭文



辭慰農觀察 時雨

違侍以來時殷馳仰比維勛業宏敷政通人協寒家雖隸  
吳興距省垣不過百數十里兵燹之後民俱無以為生賴  
執事勞來綏恤起瘡痍而衽席之東南福星之頌洵足與  
鮮于氏後先媲美 雲 亦部民能無額手惟聞劫後遺黎因  
流亡過多荒田無人開墾嘉湖以蠶桑為業桑樹尙存十  
之三四而蠶具被賊所燬小民無資購辦欲養蠶而束手  
無計此二者為善後中至急之務倘得各邑父母官督飭  
紳董各就地方情形畧用前人發本取息法勸諭殷富者  
出資挹注俟絲穀出售還繳本息似亦拯濟之一策此時  
兩疊軒尺牘

卷六

五

十室九空所謂富者亦不過彼善於此且欲避殷富之名  
措手匪易是在任事者之設法經理而已狂瞽之言恃摯  
愛有素用敢附陳以備採擇杭嘉湖減賦之舉已有成議  
否三屬地丁至重湖州則比蘇松為尤甚其害在截貼一  
項想已早邀筆畫矣 雲 日內卽擬前赴焦山茲有寄許仁  
山舍親一信懇求飭送瑣事冒竇皇恐皇恐不宣



